



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 131, Datë 31.05.2022

MBI

**MOS FILLIMIN E PROCEDURËS PËR LICENCIMIN E SHOQËRISË “NRG POWER”
SH.P.K., NË VEPRIMTARINË E FURNIZIMIT TË ENERGJISË ELEKTRIKE**

Në mbështetje të nenit 16 dhe nenit 37, pika 2 gërma “d” të ligjit nr. 43/2015 “Për sektorin e energjisë elektrike” i ndryshuar; nenit 4, pika 1, gërma “e”; nenit 5, pika 1 gërma “e”, nenit 10, pikat 1, 3 dhe 7 të Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike, miratuar me vendimin e bordit të Entit Rregullator të Energjisë (ERE), nr. 109, datë 29.06.2016, e ndryshuar; si dhe nenit 19 pika 1 gërma “a” të Rregullores për organizimin, funksionimin dhe procedurat e ERE-s, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 31.05.2022, mbasi shqyrtoi relacionin me nr. 830/6 prot., datë 27.05.2022, të Drejtorisë së Licencimit, Autorizimeve dhe Mbikëqyrjes, “Mbi fillimin e procedurës për licencimin e shoqërisë “NRG Power” sh.p.k., në veprimtarinë e furnizimit të energjisë elektrike”,

Konstatoi se:

- Shoqëria “NRG Power” sh.p.k., me shkresën e protokolluar në ERE me nr. 674 prot., datë 12.05.2022, ka paraqitur aplikimin për t’u pajisur me licencë në veprimtarinë e furnizimit të energjisë elektrike.
- Shoqëria ka kryer pagesën e aplikimit për t’u pajisur me licencë për furnizimin e energjisë elektrike nga ERE, në zbatim të Aneksit A të “Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjisë elektrike”, të ndryshuar.
- Në zbatim të përcaktimeve të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, të ndryshuar, aplikuesi duhet të depozitojë në ERE: Formatin dhe dokumentacionin për aplikim; Dokumentacionin juridik, administrativ dhe pronësor; Dokumentacionin financiar

dhe fiskal si dhe Dokumentacionin teknik për veprimtarinë e furnizimit të energjisë elektrike. Sa rezulton nga ky aplikim shoqëria ka përcjellë dokumentacionin si vijon:

- Formati dhe dokumentacioni për aplikim - neni 9, pika 1, gërmat “a”, “b”;
- Dokumentacioni juridik, administrativ dhe pronësor - neni 9, pika 2, gërmat “a”, “b” dhe “c”;
- Dokumentacioni financiar dhe fiskal - neni 9, pika 3, gërmat “a”, “b” dhe “d”;
- Dokumentacioni teknik për aktivitetin e furnizimit të energjisë elektrike - neni 9, pika 4.7, gërmat “c”, “d”, “f”.

Rezulton se shoqëria nuk ka plotësuar një pjesë të konsiderueshme të dokumentacionit si vijon:

Formati dhe dokumentacioni për aplikim - neni 9, pika 1:

- **gërma “c”** (të dhëna për aplikuesin). **Shoqëria nuk ka plotësuar formularin me deklaratat përkatëse, në lidhje me njohjen me kuadrin ligjor dhe angazhimin për zbatimin e tij, etj.**

Dokumentacioni juridik, administrativ dhe pronësor - neni 9, pika 2:

- **gërma “d”** (vërtetimi nga Prokuroria dhe Gjykata për përfshirje ose jo në një proces penal të drejtuesve të shoqërisë). **Shoqëria nuk ka depozituar vërtetimet e prokurorisë dhe gjykatës për administratorin e saj.**
- **gërma “e”** (Struktura e ndërtimit dhe funksionimit administrativ të shoqërisë, sipas pozicioneve dhe profileve përkatëse.). **Shoqëria nuk ka përcjellë në ERE strukturën e ndërtimit dhe funksionimit administrativ të saj.**

Dokumentacioni teknik për veprimtarinë e furnizimit të energjisë elektrike, Neni 9, pika 4.7:

- **gërma “a”** (Të dhëna për sigurimin e energjisë elektrike për furnizimin e klientëve). **Shoqëria nuk ka paraqitur informacion sa kërkon kjo pikë e rregullores.**
- **gërma “b”** (Kapitali financiar (i shprehur në vlera monetare) i parashikuar për ushtrimin e kësaj veprimtarie, i shoqëruar me vërtetim nga banka apo institucione të tjera financiare të njohura me ligj). **Shoqëria “NRG Power” sh.p.k. ka depozituar në ERE një deklaratë nga një banke e nivelit të dytë, ku shprehet gatishmëria e mbështetjes së shoqërisë në kryerjen e aktiviteteve të tregtimit/furnizimit me energji elektrike për një vlerë totale të caktuar. Shoqëria duhet të përcaktojë shumën që vë në dispozicion të veprimtarisë së furnizimit.**
- **gërma “e”** (Sistemin IT të krijuar për veprimtarinë e furnizimit të energjisë elektrike apo marrëveshje me të tretët për vënien në dispozicion/përdorimin e këtij shërbimi). **Shoqëria nuk ka përcjellë dokumentacion për sa kërkon kjo pikë e rregullores.**
- **gërma “g”** (Dokumentacion që vërteton aftësinë e disponimit të zyrave përfaqësuese të furnizuesit, për shërbimet që do t’i ofrohen klientëve.) **Shoqëria ka depozituar në ERE kontratën e qerasë së paluajtshme, të pashoqëruar me dokumentin përkatës pronësor sipas përcaktimeve të dispozitave në lidhje me objektin që jepet me qira.**

- **gërma “h”** (Të dhënat për klientët dhe energjinë e furnizuar). **Shoqëria nuk ka paraqitur informacionin përkatës në ERE në lidhje me këtë kërkesë të rregullores.**
 - **gërma “I”** (Niveli i tensionit dhe mënyra e realizimit të matjes për klientët). **Shoqëria nuk ka depozituar informacionin e kërkuar nga kjo pikë e rregullores.**
- Në aplikimin e shoqërisë mungon një pjesë e konsiderueshme e dokumentacionit dhe po ashtu ajo nuk ka të përcaktuar në objektin e veprimtarisë së saj furnizimin e energjisë elektrike, veprimtari për të cilën kërkon të licencohet, ndaj vlerësohet që të mos fillojë procedura për licencimin e shoqërisë “NRG Power” sh.p.k. në veprimtarinë e furnizimit të energjisë elektrike.
- Në mbështetje të nenit 10, pika 7, të “Rregullores për procedurat dhe afatet për dhënien, modifikimin, transferimin, rinovimin ose heqjen e licensave në sektorin e energjisë elektrike”, e ndryshuar, shoqëria mund të paraqesë një aplikim të ri për licencim brenda 1 (një) muaji nga marrja e vendimit të ERE-s për mosfillimin e procedurës për shqyrtimin e aplikimit. Dokumentacioni i paraqitur nga shoqëria për aplikimin e mëparshëm dhe pagesa për aplikim do të konsiderohet e vlefshme për aplikimin e ri.

Për gjithë sa më sipër, bordi i ERE-s,

Vendosi:

1. Të mos fillojë procedurën për licencimin e shoqërisë “NRG Power” sh.p.k., në veprimtarinë e furnizimit të energjisë elektrike.
2. Në rast se shoqëria do të paraqesë një aplikim të ri, brenda 1 (një) muaji nga marrja e këtij vendimi, dokumentacioni i paraqitur nga shoqëria, së bashku me pagesën, do të konsiderohet i vlefshëm dhe për aplikimin e ri.
3. Drejtoria e Licencimit, Autorizimeve dhe Mbikëqyrjes, të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s,- brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.